

四庫全書

史部

欽定四庫全書

八旬萬壽盛典卷三十三

盛事

九

賜科第職銜一

臣等謹按記曰三代盛王未有遺年者凡在壽者之倫必有養恬之澤矧夫裒然充賦扶杖而觀上國之光斯尤躋一世於仁壽者推恩所必及已我國家教澤涵濡淪肌浹髓

皇上甄陶羣品

加惠耆儒每於貢舉之期屢降

旌揚之典故夫及時効用者恒不乏人至於年齒彌高
神明益壯在州里為典型在庠校為先進考之於
古亦有詒耆艾絕倫各舉所知者復又試太學年
六十以上除郎中太子舍人至王家郎郡國文學
吏者蓋僅偶舉一行人數亦寥寥無幾今自乾隆
四十五年以後或百歲而

翠華再遊或登科而花甲重週內自綸扉外暨閩疆滇

微莫不普

錫壽祺共邀

閨澤其餘八旬九旬者每南宮彙奏率多至三四十人
遇

恩旨大挑兼逮六七十歲名皆

特賜冠慶同彈榮以甲科

寵以華秩視漢唐來所謂版授之官五老之榜有非可

同年語者在諸人皓首一經幸逢

盛際初非夢想所敢期而

惠罔弗周

恩加無已應試者固償膺秩之夙願赴挑者復

軫待榜之需時又按其年歲

賜之幣帛既沐

引年之典兼蒙稽古之榮斯真

壽考作人之盛

皇極錫福之徵歟謹比次詳誌按科牘敘以例其餘俾

千萬世而下知多士彙征之吉大年保艾之庥皆
聖皇福祚洪長之所被焉若夫

慶榜六開彌光文治謹分載

恩賚門

乾隆四十五年

賜迎

鑾百歲舉人郭鍾岳進士

乾隆四十五年三月初六日奉

上諭據三寶奏上年福建省欽賜舉人郭鍾岳年百歲
又陳應騰年八十八歲宋耀年八十五歲該舉人等
情殷感激現由福建來至浙省謝恩等語郭鍾岳等
以海隅寒峻年臻大至茲因翠華南極遠涉迎鑾各
賞御書墨刻緞二疋荷包一對郭鍾岳壽躋百齡尤
為熙朝人瑞著加恩賞給進士以示優眷耆儒至意

乾隆五十三年

賜重赴鹿鳴宴前四川知縣賽嶼進士

乾隆五十三年八月初十日奉

上諭據譚尚忠奏雲南石屏州舉人賽嶼係雍正己酉
科鄉試中式曾任四川知縣現年九十二歲本年又
屆舉行己酉科鄉試之期請重赴鹿鳴筵宴等語賽
嶼係前己酉科中式舉人今重赴己酉科鹿鳴筵宴
洵屬儒林盛事允宜特沛殊恩用彰昇平人瑞賽嶼
著賞給進士並著俟年屆百歲時該省督撫再行奏
聞朕降恩旨以示壽世作人嘉惠耆齡至意

乾隆五十五年

賜大學士嵇璜重赴

恩榮宴

乾隆五十五年四月初九日奉

上諭大學士嵇璜係雍正庚戌科進士服官有年精神
矍鑠茲當庚戌會試已屆週甲之期與新進士先後
同年實係人文盛事著照從前史貽直之例重預恩
榮筵宴以為藝林佳話

御製大學士嵇璜重赴庚戌科恩榮宴詩以賜之

木天希遇兩恩榮，茂茂前庚建後庚。祖節昔同唐真果

康熙初年閩藩耿精忠謀逆時嵇璜之祖永仁在浙閩總督范承謨幕中一同盡節平逆後優加褒贈擬之顏

果卿真卿尤為過之蓋果卿真卿食祿服官自當致命遂志若嵇永仁僅為幕友即全身遠害亦為責備所不

及乃竟能矢志不移從容就義深堪嘉憫其子曾筠及孫璜兩世居官至大學士天之報施忠義洵為不爽

身階今似漢韋平，可知襲慶緣脩德。所喜力行不附名

黃閣重逢錫褒什

進士傳臚後例賜恩榮宴從從大學士史貽直為康熙庚辰進士至乾隆

庚辰科尚在朝因重赴恩榮宴曾賜什以彰人瑞今嵇璜雍正庚戌進士至今年庚戌科亦重赴是宴實為縉

紳希遇依例賜詩絲綸盛事紀皇清
以為綸扉佳話云

臣
嵇璜

奏為恭謝

天恩事本月二十六日

臣遵

恩諭前赴禮部預宴並望

闕叩頭行禮恭謝

天恩伏念臣忝竊詞科欣依

壽寓荷

恩綸之特沛承

宸藻之新頒捧

奎文而華袞逾榮叨

錫宴而儒紳增忭仰作人於

盛世廿六科茲榜恭逢偕多士以登筵六十載瓊林再
赴花簪白髮憶舊侶之都稀餅啖紅綾覺後生之
可畏文綺獲邀

恩賚更逮章身素絲勉企清修同欣拜

賜徵瀛洲之故事前賢及繼三人陪鴈塔之新題榮遇

恰掄八袞晨星猶綴依

瑞日之光華碩果僅存託

大椿之廣蔭誠傾葵霍敬長頌夫

升恒勉竭駑駘愧難酬乎

高厚臣實深感激榮幸之至謹繕摺恭謝

天恩謹

奏

臣松璜為恭

奏為恭謝

天恩事本月十四日蒙

恩賜

御製詩一章臣謹叩頭祇領伏念臣質本庸愚文尤荒

陋幼而未學既倖竊夫科名老矣無能復備叨夫

恩遇閱人材之輩出逾廿六科感歲序之隙過已八十

載恭逢

壽宇宏開之盛會
怡值多士登進之昌期
特沛

溫綸俾陪芳宴載頌

宸藻重沐

深仁褒祖節之貽休
勉思脩德勗臣心之崇實慎無近

名

帝歌作而韶鈞鳴

寶翰揮而龍虎躍

訓詞深厚誦萬徧而不停
循省悚惶銘五中其曷罄聳

觀僚案欽為希世之珍敬示子孫奉作傳家之寶
荷生成之

至意長頌

升恒殫衰拙之微忱難酬

高厚臣不勝榮幸感激之至謹繕摺恭謝

天恩謹

奏奉

旨知道了

乾隆四十五年庚子

恩科會試

賜高年應試舉人李實生等三十一名翰林院檢討國子監學正等銜有差

乾隆四十五年五月初五日奉

上諭本年恩科會試各省士子雲集觀光其中龐眉皓首挾策偕來者多至三十餘人實為熙朝盛事宜加渥澤用廣作人除石震萬邦獻朱鏡已加恩賞給國

子監學正銜外所有年八十以上之李實生劉克柔
王熊應馬士榮黃鵬係鄉試中式舉人著加恩賞給
翰林院檢討銜其劉耄學郭元標馮出佐劉夢花李
綬索止任張廣基張純仁李蘧王景績康銑李天民
許祖健李欽元謝士豪徐常淳李作朋董斌李成章
彥俱係上年鄉試未經中式欽賜舉人著與年七十
以上之吳兆魁周仲連宋瑞孫凌雲毛肇一體加恩
賞給國子監學正銜俾耆儒膺秩名遂夙願以彰推

恩引年之至意

乾隆四十六年辛丑科會試

賜高年應試及赴挑舉人吳球等七十三名光祿寺署
正等銜有差

乾隆四十六年四月十二日尚書額駙公福隆安
等

奏乾隆三十一年大挑舉人奉有

諭旨舉人內年八十以上者賞給六品京銜七十以上

者賞給七品京銜六十以上及雖未及六十而驗係實屬衰頹者賞給八品京銜等因經吏部酌議六品內都察院都事經歷等官及七品八品之大理寺評事太常寺博士國子監學正學錄各職銜按其年歲分別

賞給職銜奉

旨允准在案嗣于三十七年大挑經

派出揀選之王大臣等奏請將年老舉人照例

賞給京銜亦在案此次錢載所奏本年會試內有年老
應試三場完竣者三十一名相應請

旨循照上兩屆之例交與吏部分別年歲照例辦理謹
奏乾隆四十六年四月十九日奉

旨是

吏部謹

奏乾隆三十一年三月三十日奉

上諭前因歷科舉人銓選壅滯特命揀選分別錄用廣

為疏通其年齒衰邁難以服官任事者並令查明奏請量予職銜以慰其寒窗攻苦之志今據王大臣等奏各省舉人內驗看及自呈實在年邁龍鍾不堪民牧并不能司鐸共六十餘名此內八十以上者著加恩賞給六品京銜七十以上者著賞給七品京銜及雖未及六十而驗係實屬衰頹者著賞給八品京銜俾顏齡寒峻均沐殊榮以副朕格外優恤至意欽此

當經臣部議定于六品內酌定都察院都事經歷

大理寺寺丞光祿寺署正七品內酌定大理寺評
事太常寺博士國子監監丞中書科中書八品內
酌定國子監學正學錄翰林院典簿國子監典簿
以上數項作為賞給舉人職銜等因具

奏奉

旨知道了欽此欽遵辦理續于三十七年壬辰科舉人
大挑亦遵照辦理各在案今乾隆四十六年辛丑
科經尚書額駙公臣福隆安等奏准將知貢舉錢

載查明年老三場完竣之舉人吳球等三十一名
交與臣部照例辦理并現在王大臣挑選後臣部
查明六十以上情願得受京銜之馮綱等三十八
名又年未及六十自揣精力已衰情願得受京銜
之馬元文等四名共七十三名臣部俱遵照上屆
之例按其年歲分別掣與京銜俾得叨沐

殊榮臣等謹將該舉人吳球等掣得京銜開列清單恭

呈

御覽為此謹

奏乾隆四十六年五月十七日奉

旨依議

年九十以上者二人吳球江蘇人光祿寺署正楊
最德廣東人都察院都事年八十以上者二十一
人高本亮順天人都察院經歷張廣基順天人都
察院都事孟盼郭青壇直隸人都察院經歷韓庚
申杜子甫直隸人都察院都事梁丙璿鄭其德直

隸人大理寺寺丞李成李允實直隸人光祿寺署
正張龍光河南人都察院經歷杜琦江蘇人都察
院察歷劉行芳江蘇人光祿寺署正汪日強安徽
人大理寺寺丞鄭忠亮鄭定猷江西人大理寺寺
丞何朝福建人都察院經歷沈聚奎湖北人光祿
寺署熊世焱湖南人都察院都事朱瑞湖南人大
理寺寺丞郭元標陝西人光祿寺署年七十以上
者八人刁應龍直隸人大理寺評事史注山西人

國子監監丞宋瑞山西人中書科中書程篤慶河
南人楊方亭江西人太常寺博士萬邦獻湖北人
中書科中書譚起韜廣東人大理寺評事李正廣
東人國子監監丞年六十以上及未及六十者共
四十二人焦天淵卞榮泗直隸人國子監學正王
夢麟直隸人國子監典簿邢羽文山東人翰林院
典簿王作喆山東人國子監典簿王普文山西人
國子監學正楊朋楹山西人國子監學錄王朝士

山西人翰林院典簿潘鯤化栗卓河南人國子監
學正錢九府河南人國子監學錄何棫河南人翰
林院典簿員映第河南人國子監典簿徐葉榆江
蘇國子學正曹柏齡馬元文吳鎮施文淵江蘇人
翰林院典簿徐馨江蘇人國子監典簿吳隆安徽
人翰林院典簿湯炳誥江西人國子監學正吳國
棟胡熙載江西人國子監學錄陳元澄江西人翰
林院典簿董達著王詰浙江人國子監學錄孫文

瀚余炳浙江人翰林院典簿樓卜瀍楊維信浙江人國子監典簿莊膺瑞福建人國子監學錄龔廷耀福建人國子監典簿黃之顯湖北人國子監典簿周旋吉陝西人國子監學正鞏締疆甘肅人國子監典簿鄧肇翰李世叅廣東人國子監學正龐錫澍鄭翼亭廣東人國子監學錄蘇汝汪廣西人國子監學正蔣埰廣西人國子監學錄馮綱廣西人國子監典簿

乾隆四十九年

賜迎

鑾一百四歲進士郭鍾岳國子監司業銜并

御製詩章以賜

乾隆四十九年三月十四日奉

上諭福建欽賜進士郭鍾岳年屆一百四歲茲來浙迎
鑾皓首龐眉允稱人瑞著加恩賞給國子監司業職
銜以示朕嘉惠耄頤至意

御製福建一百四歲老人郭鍾岳自閩來迎加恩賜予
國子監司業銜詩以賜之

登襄壽百四來朝程二千誠云天下老耋是地行仙忱
悃足嘉矣精神尚躍然恩榮司業秩酬爾矻芸編

乾隆四十九年甲辰科會試

賜高年應試舉人潘我等二十一名都察院都事等銜
有差

吏部謹

奏乾隆四十九年閏三月二十九日知貢舉莊存與
奏本年甲辰科會試舉子內有老年應試者揭曉後
未經中式臣案查文冊年九十歲者一名八十歲
以上者二十名七十歲以上者五名共計二十六
名皆係鼓舞觀光三場完竣實為

熙朝盛事臣伏查數科以來年老士子未經中式者鄉
試由監臨查奏會試由知貢舉查奏謹開列清單
恭

呈

御覽本月二十四日奉

上諭莊存與奏本年會試各省舉人年屆九十者一名
八十以上者二十名七十以上者五名皆三場完竣
未經中式等語此次老年舉子應試者至二十六名
之多皆年躋耄耄志切觀光允為昇平人瑞著交吏
部查照向例分別賞給京銜以示朕引年勸學嘉惠
士林之至意摺併發欽此內除八十以上之張廣基

李成梁兩璫鄭其德等四名已于四十六年辛丑
科會試後奏明賞給六品職銜無可再加又七十
歲以上之萬邦獻一名四十六年辛丑科會試後
年在七十以上奏明賞給七品京銜今該舉人年
歲仍止七十以上亦毋庸再行加銜外查八十歲
以上之索止任馮出佐於四十五年庚子科奉
旨賞給國子監學正八品京銜又年屆七十之陳元澄
於辛丑科大挑後呈請願就京銜彼時年止六十

七歲經臣部奏明賞給八品京銜今既奉

恩旨交部查照向例分別賞給京銜所有索止任馮出
佐年俱八十以上應照例按其年歲加給六品京
銜陳元澄年已七十以上加給七品京銜其餘從
前未經賞銜之八十以上之田集盛等十四名應
照例掣給六品京銜七十以上之倪惟怡等三名
應照例掣給七品京銜至九十以上之潘我一名
將屆期頤尚能三場完竣允為

聖世壽考作人之徵更不易得可否照八十以上者掣給六品職銜外再加頂帶一級之處出自

聖恩為此謹

奏請

旨乾隆四十九年四月十八日奉

旨依議

年九十以上者一人潘我廣東人都察院都事年八十以上者十六人田集盛段三連直隸人都察

院都事王賓直隸人大理寺寺丞徐簡颺張自道
梁重華山東人都察院都事趙象觀山東人大理
寺寺丞張申山東人光祿寺署正索止任河南人
都察院都事陳謨江蘇人大理寺寺丞曹文超安
徽人大理寺寺丞邢簠安徽人光祿寺署正吳光
烈陝西人都察院都事馮出佐陝西人光祿寺署
正林懋烈廣東人都察院經歷饒鳴陽廣東人大
理寺寺丞年七十以上者四人倪惟恪山東人大

理寺評事陳元澄江西人太常寺博士王者瑞四川人中書科中書李進四川人國子監監丞

乾隆五十二年丁未科會試

賜高年應試及赴挑舉人李宏道等七十名翰林院編修等銜有差

乾隆五十二年四月初十日奉

上諭據知貢舉藍應元奏本年會試舉人內九十歲以上者七名八十歲以上者三十七名七十歲以上者

九名皆三場完卷揭曉後未經中式等語此次各省
舉人年老應試者多至五十餘人俱龐眉皓首踴躍
觀光允為昇平人瑞除馮出佐田集盛張自道業於
上次大挑後賞給光祿寺署正等銜及本年大挑選
入二等之唐泰鄭國祥孫有謚楊士元照例以教職
銓補外所有年屆九十九歲之李宏道著加恩賞給
翰林院編修銜其八十九以上之彭一猷謝璜葉
有聲王協恭謝啟祚涂紅鵬朱紹璧蘇彩飛梁元鉅

王泓陳詩張宗賢許承恩趙宏誠張啟瀟李良棟葛
維楠王澤週何紹怡程鳴岐閔遐齡韋元勳毛景燧
仝思義王輝祖彭省非譚諭美曾錫嘏林復發王渭
揚軒轅圻劉子旭李晃桑振東永永祥王嘉賓李作
朋萬邦獻王志禮陳養源俱著賞給翰林院檢討銜
七十歲以上之項朱張琴張維焯柴杰姜价俱著賞
給國子監學正銜以示朕嘉惠耆儒壽考作人至意

吏部謹

奏本年三月二十一日奉

上諭向來大挑舉人俱於會試後該部定期奏請挑選但念各省會試舉人旅食京師若俟榜發後再請挑選未免又需時日此次大挑舉人著即在榜前辦理俾得及早回籍毋需守候以示體恤再此內有年老舉人精力已衰情願得受京銜者並著派出揀選之王大臣照上屆之例按其年齒分別存記俟榜發後開單具奏照例賞給職銜用昭嘉惠耆齡壽考作人

至意欽此今據年老舉人林起等二十四名各呈明
情願請給京銜到部臣部遵

旨照上屆之例按其年歲分別掣給京銜俾得叨沐
殊榮以仰副

皇上加惠耆齡壽考作人之至意謹將掣給京銜各員
開列清單恭呈

御覽乾隆五十二年四月二十九日奉

旨知道了

年六十以上者十三人林起江西人國子監學錄
陳其蘊山西人國子監典簿李汝朴河南人國子
監學錄弓先民河南人國子監學錄朱正常湖北
人翰林院典簿秦本銜安徽人國子監學正耿生
泰河南人翰林院典簿年景竊陝西人國子監典
簿張夢禮湖北人翰林院典簿王世締湖南人國
子監典簿汪鳴球安徽人嚴修己陝西人楊垂浙
江人俱國子監學正未及六十者十一人鄧思淵

福建人國子監典簿朱振聲陝西人史尚朴山東人俱翰林院典簿沈樂江蘇人倪金浙江人毛元音浙江人俱國子監學錄鄒飛漢江西人翰林院典簿余必亨湖北人國子監學錄黃世楷福建人國子監學正易惟恒雲南人國子監典簿林景來福建人國子監學錄

乾隆五十四年己酉科會試

賜高年應試舉人李發枝等三十七名翰林院檢討等

銜並

加賞緞疋有差

乾隆五十四年四月初七日奉

上諭據知貢舉伊齡阿汪承霈奏本年會試舉子內九十歲以上者四名八十歲以上者三十一名七十歲以上者五名皆三場完竣未經中式等語此次各省舉子年老應試者多至四十人龐眉皓首踴躍觀光洵為昇平人瑞除七十歲以上之姜价項朱柴杰三

名業於上次會試後賞給國子監學正職銜外所有
年屆九十以上之李發枝羅舜臣江鳳鳴李洪福八
十以上之張夢熊王震安康士雍吳梅章宸銜趙峯
金有光王聖際鄔宗望李承宗陳兆燧徐愛蓮宋佳
玉蔣遇辛王奕年翟承眷湯振王日玆畢文琳游鑑
乾張洪振王長駕舒繼芬李紹灝朱錦雯梁朝錫曹
雁韓廷佐李東耀李鼐周煒俱著賞給翰林院檢討
銜七十歲以上之洪學源邵利達俱著賞給國子監

學正銜其九十歲以上者各加賞緞三疋八十歲以上者各加賞緞二疋七十歲以上者各加賞緞一疋並年在七十以上前經賞銜之姜价等三名亦一體賞給以示朕嘉惠耆儒仁壽作人之至意

乾隆五十五年庚戌科會試

賜高年應試舉人劉湘等九十四名翰林院檢討等銜並

加賞緞疋有差

乾隆五十五年四月十八日奉

上諭據知貢舉鐵保姜晟奏本年會試舉子內九十歲
以上者四人八十歲以上者七十三名七十歲以上
者二十四名皆三場完竣未經中式等語本年屆朕
八旬特開萬壽恩科各省舉子年老應試者至一百
餘人之多龐眉皓首踴躍觀光洵為昇平人瑞除九
十以上之段三連業經賞給都察院都事職銜八十
以上之曹京賞給國子監典簿職銜七十以上之姜

价項朱柴杰邵利達賞給國子監學正職銜吳滄賞
 給翰林院典簿職銜外所有年屆九十以上之劉湘
 胡椿陳鳳翔八十以上之吳霖劉鳳翽李光昂鄧岳
 潘履謙馮希賢張守經李國霞左昌宗翟皋胡道南
 周宗勛汪飛熊蕭士芝方宗華王有年戴文璧唐熙
 吳杰許以恭王道烜董夢江何大烈王奉元武伸喬
 元熙程紹先孫公輔李垠閻輔輝劉洪文王體亨鄭
 學洙董作礪劉繩準閔之琰馮全修魯孟朱光章歐

陽席梧貴王宗遠趙泉郭偉勣孫元麟李如山師尚
友胡禮泉張啟梧李文沛涂文魁宣鵬劉鴻徐日暄
葉逢年姜球張諤涂宗詔朱有榮呂樸季如璧趙瑞
嵐吳企哲孫有誦郭長源胡東安傅錫信王克立馬
銘張進履于令芳趙敦典俱著賞給翰林院檢討銜
七十歲以上之董繼允王志遠楊士元朱孟份蔡綬
劉泰孫有謚單備孫保亨馮起鳳錢柏汪元棟丁釗
朱浩賀錫冕張正倫陶煒江永譽程謙俱著賞國子

監學正銜其九十以上者各加賞緞三疋八十以上者各加賞緞二疋七十以上者各加賞緞一疋並年在九十八十七十以上前經賞給職銜之段三連等七名亦著一體分別賞給緞疋以示朕嘉惠耆儒仁壽作人之至意

禮部謹

奏為據情代奏恭謝

天恩事乾隆四十五年五月初五日奉

上諭本年恩科會試各省士子雲集觀光其中龐眉皓
首挾策偕來者多至三十餘人宜加渥澤用廣作人
所有年八十以上之李實生等係鄉試中式舉人著
加恩賞給翰林院檢討銜其劉耄學等俱係上年鄉
試未經中式欽賜舉人著與年七十以上之吳兆魁
等一體加恩賞給國子監學正欽欽此臣等傳集各
該員親身到部宣示

恩旨各該員跪聆之下感激叩首隨據李實生等呈稱

竊實生等早歲觀光長年沐

化或屢下南宮之第未許看花或新霑

北闕之

恩儼同折桂庸材薄植原非玉筍之班皓首龐眉敢擬
瓊林之選迺荷引年之曠典特邀

賜爵之殊榮惟

聖作人惟

皇錫福娑娑鶴算盡簪符利用之占次第鵷行分秩見

因材之篤紀大年於絳縣合二千四百十歲有奇
續特榜於

黃扉在一百五十八名而外

寵方承而驚非分感至極而拙名言凡臣等夢想之不
敢期實自古科名所未嘗有從此祥開粉署花磚
之仙晷彌長瑞靄黌宮璧水之

恩波愈渥奮三千之雲路請先多士而鳴傾一寸之葵
心願祝

聖人之壽所有感激下忱伏乞據情轉奏等情前來臣等理合據情代奏並率領該員等詣

圓明園宮門叩首恭謝

天恩謹

奏奉

旨知道了

八旬萬壽盛典卷三十三

欽定四庫全書

史部

欽定八旬萬壽盛典卷三十四

詳校官廣西道臣王天祿

欽定四庫全書

八旬萬壽盛典卷三十四

盛事

十賜科第職銜二

乾隆四十五年庚子科鄉試

賜高年應試諸生孟盼等舉人三十名

乾隆四十五年九月初九日奉

上諭本年順天鄉試諸生中三場完卷年屆八十者孟盼等九名榜發俱未中式念其踴躍觀光至老弗衰

宜沛渥恩以廣化澤著加恩將孟盼郭青壇李青繹
杜子甫鄭其德梁丙晉韓庚甲高本亮李允寶等俱
賞給舉人准其一體會試俾皓首寒儒得償夙願用
昭嘉惠士林之至意

乾隆四十五年十一月十八日奉

上諭本年各直省鄉試據該督撫等奏應試士子內有
年八十九十以上者三場完竣榜發未經中式念其
踴躍觀光至老勿衰宜沛渥恩以廣化澤所有江南

省之吳球蔡綱杜琦劉行芳汪自強胡承球夏之璜
江西省之鄭忠亮皮金綬鄭定猷湖北省之沈聚奎
廣東省之張行說潘莪饒鳴陽林成彬林懋烈并中
式副榜之楊最德雲南省之錢兆基周世德俱著加
恩賞給舉人一體會試俾皓首寒儒得償夙願用昭
嘉惠士林之至意

乾隆四十五年十一月二十九日奉

上諭據富綱奏本年閩省鄉試有侯官縣廩生林朝綱

現年八十六歲連江縣附生黃建洛現年八十二歲
三場完竣俱未中式等語林朝綱黃建洛俱著加恩
賞給舉人一體會試

乾隆四十八年癸卯科鄉試

賜高年應試諸生田集盛等舉人二十三名

乾隆四十八年九月十九日奉

上諭本年順天鄉試諸生中年屆八十以上三場完竣
者田集盛等三名榜發俱未中式念其年已衰老猶

能踴躍觀光宜沛渥恩以廣作人雅化著加恩將田
集盛王賓段三連三名賞給舉人准其一體會試俾
皓首窮經者得償夙願用昭嘉惠士林至意

乾隆四十八年九月二十八日奉

上諭據何裕城奏本年河南鄉試有湯陰縣學生員許
錫桓年九十二歲榜發未經中式等語許錫桓年逾
九旬尚能志切觀光宜沛渥恩以彰作人雅化著加
恩賞給舉人准其一體會試用副朕嘉惠耆年至意

乾隆四十八年十一月十三日奉

上諭據閔鶚元奏本年江南鄉試諸生內有涇縣學鄭應鳴池州府學曹文超東流縣學馮荃霍邱縣學邢簠儀徵縣學陳謨等五名均年在八十以上三場完竣等語鄭應鳴等年逾八旬猶能踴躍觀光宜沛渥恩以廣作人雅化著加恩將鄭應鳴曹文超馮荃邢簠陳謨五名賞給舉人准其一體會試用副朕嘉惠耆儒至意

乾隆四十八年十一月十三日奉

上諭據畢沅奏陝西鄉試諸生內有渭南縣學附生劉力一寶雞縣學附生吳光烈均年屆八旬三場完竣等語劉力一吳光烈年臻耄耋猶能踴躍觀光宜沛渥恩以廣作人雅化著加恩賞給舉人准其一體會試副朕嘉惠耆儒至意

乾隆四十九年正月初九日奉

上諭據福崧奏癸卯科浙闈鄉試有年屆九十之張本

並年屆八十以上之毛德成等六名三場完卷未經
中式等語張本毛德成朱紹璧翁體貴吳家仁董德
潤年俱耄耋踴躍觀光殊堪嘉尚著加恩賞給舉人
一體會試以示嘉惠耆年之至意

乾隆四十九年二月初三日奉

上諭據明興奏癸卯科山東鄉試有年屆八十以上之
生員焦會塗等六名三場完卷未經中式該生等俱
年逾八旬踴躍觀光深堪嘉尚茲當鑒輅經由允宜

特沛恩施以示獎勵焦會塗張申趙象觀張自道徐簡颺梁重華著加恩賞給舉人准其一體會試用昭省方作人優患者齡之至意

乾隆五十一年丙午科鄉試

賜高年應試諸生侯鏐等舉人四十四名

乾隆五十一年九月十三日奉

上諭前據吳省欽奏本年順天鄉試諸生中年屆八十以上者侯鏐等五名三場俱已完卷等語現在榜發

欽定四庫全書

八旬萬壽盛典
卷三十四

俱未中式但念該生等年逾八袞猶能踴躍觀光宜
沛渥恩以廣作人雅化俱著加恩將侯鏌蘇彩飛王
泓梁元鈺劉子旭俱賞給舉人一體會試使皓首窮
經者得償夙志用昭嘉惠耆齡至意

乾隆五十一年九月二十八日奉

上諭據何裕成奏本年鄉試生員涂紅鵬年八十八歲
三場試畢文藝尚屬平順等語該生年逾八袞猶能
踴躍觀光宜沛渥恩以廣作人雅化著加恩將涂紅鵬

賞給舉人准其一體會試俾皓首窮經者得償夙志用
昭嘉惠耆齡至意

乾隆五十一年九月二十九日奉

上諭據保寧奏忠州梁山縣生員彭省非現年八十六
歲叙州府南溪縣生員譚諭美現年八十歲鄉試三
場完卷等語彭省非等俱年躋耄耄志切觀光宜沛
渥恩以彰作人雅化彭省非譚諭美俱著賞給舉人
准其一體會試俾皓首窮經者得償夙志用昭嘉惠

耆齡至意

乾隆五十一年十月初七日奉

上諭據畢沅奏河南本年鄉試諸生中年屆九十者王協恭一名年屆八十以上者程鳴岐等四名年屆八十者王輝祖等二名俱已三場完卷並未中式該生等年逾耄耋俱各踴躍觀光宜沛渥恩以廣作人雅化著加恩將王協恭程鳴岐韋元勳閻遐齡毛景燧王輝祖全思義七名俱著賞給舉人准其一體會試

俾膠庠耆耄得償窮經夙願用昭嘉惠耆齡至意

乾隆五十一年十月初十日奉

上諭據圖薩布奏本年廣東鄉試年屆九十以上耆三人內謝啟祚一名已經中式舉人彭一猷中式副榜謝璜三場完卷未經中式等語除謝啟祚業經中式舉人外彭一猷謝璜俱著加恩賞給舉人准其一體會試俾膠庠耆耄得遂窮經素願以副朕嘉惠耆齡至意
乾隆五十一年十月十五日奉

上諭據徐嗣曾奏本年鄉試諸生中年屆八十以上者
林復發曾錫嘏二名三場完卷並未中式該生等年
逾耄耋踴躍觀光殊堪嘉尚林復發曾錫嘏俱著賞給
舉人准其一體會試俾膠庠耆耄得償窮經夙願用
昭嘉惠耆齡雅化作人至意

乾隆五十一年十月二十日奉

上諭據永保奏陝西鄉試士子房彥貴喬士俱年踰八
旬又浦霖奏貢生葉有聲年逾九十生員何紹怡王

澤週俱年逾八十以上俱各三場完竣未經中式該
生等年登耄耄尚能踴躍觀光殊堪嘉尚房彥貴喬
壬葉有聲何紹怡王澤週俱著加恩賞給舉人准其
一體會試俾膠庠耆耄得償窮經夙願用昭嘉惠耆
齡雅化作人至意

乾隆五十一年十月二十一日奉

上諭李慶棠奏本年鄉試諸生中年屆八十以上者孫
彥葛維楠李良棟三名俱三場完卷未經中式該生

等年逾耄耄踴躍觀光殊堪嘉尚孫彥葛維楠李良棟俱著加恩賞給舉人准其一體會試俾皓首窮經者得償夙志用昭嘉惠耆齡至意

乾隆五十一年十月二十六日奉

上諭據明興奏本年山東省鄉試諸生年屆九十以上者李宏道一名年屆八十以上者王渭揚等三名年屆八十者李晃等三名俱三場完卷並未中式該生等年逾耄耄奮志觀光殊堪嘉尚李宏道王渭揚桑

振東軒轅圻李晃方永祥王家賓俱著加恩賞給舉人准其一體會試俾膠庠耆耋得遂窮經夙願用昭嘉惠耆齡雅化作人至意

乾隆五十一年十一月初五日奉

上諭據閔鶚元奏江南本年鄉試諸生中年屆八十以上者趙有為等六名俱已三場完卷未經中式該生等年躋耄耄俱各踴躍觀光宜沛殊恩以廣作人雅化著加恩將趙有為為金有光許承恩趙宏誠張家賢

陳詩六名俱賞給舉人准其一體會試俾膠庠耆耄得償窮經夙願用昭嘉惠耆齡至意

乾隆五十一年十二月十五日奉

上諭據琅玕奏本年鄉試諸生中有年逾八十之章宸衛等四名俱三場完卷未經中式該生等年臻耄耄踴躍觀光宜沛殊恩以廣作人雅化章宸衛張啟瀟任際泰周岸登俱著加恩賞給舉人准其一體會試俾膠庠耆耄得遂窮經夙志用昭嘉惠耆齡至意

乾隆五十三年戊申科鄉試

賜高年應試諸生康士雍等舉人三十九名

乾隆五十三年九月十七日奉

上諭據伊齡阿等奏本年順天鄉試諸生中年屆八十
以上者康士雍張洪振二名三場俱已完卷榜發未
經中式但念該生等年臻耄耋猶能踴躍觀光精神
不懈允為藝林盛事康士雍張洪振俱著加恩賞給
舉人准其一體會試俾償讀書夙志用昭壽世作人

至意

乾隆五十三年九月二十三日奉

上諭據長麟奏本年山東鄉試諸生中年屆耄耋奮志
觀光多至五十餘人俱三場完竣未經中式就中擇
其年屆八十以上入學年分較早者李發枝李可士
李承宗王兆隆王克昌五名文理俱無疵謬等語該
生等或齒近期頗或遊庠年久猶能踴躍棘闈爭先
恐後洵為熙朝瑞徵藝林盛事李發枝李可士李承

宗王兆隆王克昌俱著加恩賞給舉人准其一體會
試俾償皓首窮經夙願用昭壽世作人至意

乾隆五十三年九月二十九日奉

上諭據何裕城伍拉納浦霖奏此次應試年老各生江
西省年屆八十以上者一人福建省年屆八十以上
者三人湖南省年屆九十以上者一人俱三場完竣
未經中式等語該生等年臻耄耋踴躍觀光精神矍
鑠允為藝林盛事所有江西生員鄧岳福建生員王

自
卷三十四
奕年陳友仁李紹灝湖南生員李洪福俱著加恩賞
給舉人准其一體會試

乾隆五十三年十月十五日奉

上諭據琅玕奏本年浙省鄉試諸生中年逾八十以上
之貢生徐愛蓮陳兆燠附生劉方振王震安鄔宗望
宋佳玉等六名俱三場完竣未經中式等語徐愛蓮
等年逾八旬精神矍鑠踴躍觀光洵為藝林嘉瑞徐愛
蓮陳兆燠劉方振王震安鄔宗望宋佳玉俱著加恩

賞給舉人一體會試俾皓首窮經得償夙願用昭壽世作人至意

乾隆五十三年十月十五日奉

上諭據譚尚忠奏琅鹽井學歲貢生袁旻年八十四歲三場完竣未經中式等語袁旻年逾八旬精神矍鑠踴躍觀光實為儒林嘉瑞袁旻著加恩賞給舉人准其一體會試以示朕壽世作人嘉惠耆齡至意

乾隆五十三年十月二十日奉

上諭據圖薩布奏本年廣東鄉試諸生中年躋九十之
羅舜臣吳相江鳳鳴陳鳳翔三場完竣未經中式又
據李慶棠奏本年貴州鄉試諸生內有游鑑乾朱錦
雯胡之寧年登八十三場完竣俱未中式該生等皓
首窮經精神矍鑠踴躍觀光洵為藝林嘉瑞羅舜臣
吳相江鳳鳴陳鳳翔游鑑乾朱錦雯胡之寧俱著加
恩賞給舉人一體會試用昭壽世作人至意

乾隆五十三年十一月初六日奉

上諭據閔鶚元奏本年應試諸生內江蘇省湯振王長
駕吳霖王日慧畢文琳等五名安徽省王聖際胡先
桂翟承春等三名均年在八十以上三場完竣未經
中式又據惠齡奏湖北應試諸生吳梅舒繼芬年皆
八十以上三場完竣榜發無名諸生等年逾八旬精
神矍鑠踴躍觀光實為儒林嘉瑞湯振王長駕吳霖
王日慧畢文琳王聖際胡先桂翟承春吳梅舒繼芬
均著加恩賞給舉人准其一體會試以示朕壽世作

人嘉惠耆齡至意

乾隆五十三年十一月初八日奉

上諭據孫永清奏廣西全州歲貢生唐熙現年八十三歲三場完竣未經中式等語唐熙年逾八旬精神矍鑠猶能踴躍觀光洵為士林嘉瑞著加恩賞給舉人准其一體會試以示朕壽世作人嘉惠耆齡至意

乾隆五十三年十一月十三日奉

上諭據已延三奏陝西省附生張夢熊蔣遇辛年逾八

十以上三場完竣未經中式等語張夢熊蔣遇辛年
逾耄耄踴躍觀光洵為昇平盛事著賞給舉人一體
會試以示嘉惠耆齡至意

乾隆五十四年己酉

恩科鄉試

賜高年應試諸生左昌宗等舉人九十四名高日新等

副榜八十六名

乾隆五十四年九月初十日奉

上諭前據伊齡阿等奏本年順天鄉試諸生中年屆八十以上者左昌宗等九名七十以上者高日新等三十三名俱三場完竣現在榜發俱未中式俯念該生等年臻耄耋猶踴躍觀光洵為藝林盛事其年在八十以上之左昌宗武宅鎬鄭學洙李垠涂文魁章敬修王朝臣胡自勉孫有誦九名並年在七十以上之副榜單備俱著賞給舉人准其一體會試其年在七十以上之高日新馬克惠倪克勤孫大興王錫桓王

家相安永宜馬元倬潘掄元安容瑛楊世法張應楫
郭斌劉夢桂畢汾劉懿廣阮錫嘉王琨張日新黎淳
張鑣宋炳炎賀雲程劉喆史彭年王文崔九州梁棟
劉素位謝立吉高瑛林見性俱著加恩賞給副榜以
彰壽世作人至意

乾隆五十四年十二月初五日奉

上諭本年鄉試諸生年屆八十七以上未經中式者
除順天業經降旨分別加恩外茲據各省陸續奏到

諸生中年躋耄耄踴躍觀光共百有餘人雖未經中式而三場均能完竣洵為士林盛事所有江南省八十以上之胡椿周宗勛許以恭劉鴻宣鵬徐日暄董作礪翁炳魏文鴻劉湘翟臯王道烜汪飛熊劉繩準葉逢年張進履姜球等十七名江西省八十以上之黃景亮胡道南蕭士芝董夢江等四名浙江省八十以上之方宗華何大烈閔之琰馮全修魯學孟張謬等六名福建省八十以上之吳維新朱光章陳卜仁

等三名湖北省八十以上之劉化鯤王奉元徐宗詔
米有榮等四名湖南省八十以上之劉丰年李光旦
李國霞李逢源歐陽謨吳家修文承發等七名河南
省八十以上之湯希賢程紹先喬元熙武仲席梧貴
呂樸李如璧等七名山東省八十以上之王有年王
宗遠郭偉勳趙泉趙瑞嵐等五名山西省八十以上
之李文明孫公輔李如山孫元麟郭長源吳企哲等
六名陝西省八十以上之張大烈張守經閻輔輝張

振師尚友等五名四川省八十以上之潘履謙戴文
璧劉洪文王體亨王昇平李維岱等六名廣東省八
十以上之李賴予楊家樹馬登翰李光雲邱修已關
睿南何紹綱等七名雲南省八十以上之湯祚昌錢
大有等二名貴州省八十以上之楊宜科黃中理趙
錫爵徐苾王德洪等五名俱著加恩賞給舉人准其
一體會試其浙江省七十以上之沈志超胡以晉徐
由湘黃敏樓象春范鈺潘兆謙李鴻鄭拱秀張愛士

士周嘉祺沈慧業等十二名湖北省七十以上之劉
中陵蕭光泰張元瓏袁國桂邱雨濬李華盧薰楊大
謨劉先士方玉堂冉三桂邱文開關力魁周三鼎等
十四名湖南省七十以上之黃佑啟山西省七十以
上之宋守祀蕭鳴山薄文龍王夢熊劉煥王克惠杜
霜高曰敬郝兆珠周汝第郭延山萬之幹強岫王振
祚孫大發李時旺劉衣德薛掄魁趙學普李溥趙掄
達李晚榮孫膺祐王憲武王儀烜陳丹書馮憲鄴等

二十七名俱著加恩賞給副榜以彰壽世作人至意

直隸總督臣劉綎謹

題為據情代

奏恭謝

天恩事據康士雍張洪振等呈稱竊惟

盛世崇儒萬國仰敷文之治

熙朝重士四門隆籲俊之恩慶

壽宇之鴻開億兆咸登壽域頌

春暉之廣被耄耋者盡入春臺茲屆乾隆五十五年恭逢
皇上八旬萬壽預于五十三年戊申舉行正科鄉試

士

雍等畿內寒儒燕山下士八十載夏絃春誦羣需
化日之舒長百餘年摩義漸仁其沐

薰風之披拂承筐鼓篋每嫌壯不如人矮屋低簷幾忘
老之在我屢剪三條之華燭莫乘萬里之長風乃
景駐桑榆仰荷

離明之當午材慚樗櫟復邀

巽命之重申

鳳詔頒來許附賢書之末鹿鳴宴後仍趨都試之期洵
士林未有之奇逢實

壽世作人之盛典雖囊中穎脫問數還奇而格外

恩施所遭非偶青雲得路白屋增輝合嵩呼華祝以輸
誠總藝苑儒林而誌慶理合呈乞代

題恭謝

天恩據此臣等看得舉人康士雍張洪振等身依庠序

年屆期頤久厯

昌辰未遂鹿鳴之願幸蒙

曠典方占鴻漸之庥永矢感夫

隆慈倍增光于晚歲雖曰詩書食報荷

天家雨露之施實惟

壽考作人仰

聖主菁莪之化理合恭疏具

題報

聞

臣等謹案易曰觀乎人文以化成天下又曰聖人久于其道而天下化成一人壽考作人黨庠州序中莫不是訓是行以近天子之光矧其皓首窮經涵濡至久者歟我

國家三年貢士賢網廣張

皇上溥栽培之澤盡鼓舞之神自乾隆四十四年

特開

七旬萬壽恩科五十三年復

詔開

八旬萬壽恩科單寒績學之儒疊逢

盛際咸得自奮科名而龐眉秀髮八旬九旬以上

踴躍觀光者姓名上列

恩旨造頒上年併七十以上亦蒙

加賜副榜樂育之

恩尤為至廣竊考古者興賢之書比其德行道藝而

獻之然而洽丞髦之詠者未聞兼引年之典漢
制賢士遣詣相國府年老者勿遣元朔之詔旅
耆老與選豪俊並舉夫計偕之典長吏會屬僚
設賓主陳俎豆備管絃牲用少牢行鄉飲酒禮
歌鹿鳴之章徵耆艾聚少長而觀焉今以耆艾
之士得與斯選斯亦榮矣本不獲與而

特頒茂渥俾償夙願作士林之嘉瑞稱

盛世之耆儒其為榮幸又何如矧夫耄耋成群鮐背

相望十年來

賜科至三百六人之多計年合二萬餘千以上

崇文綏壽誠遠軼夫姚思妣命之盛也哉

八旬萬壽盛典卷三十四

欽定四庫全書

八旬萬壽盛典卷三十五

盛事十一 壽民壽婦一

臣等欽惟我

皇上備百順之祥萃大同之慶

儲齡衍羨胥天下而納之敦龐純固之中人第知惟

皇保錫

福敷庶民其醞釀者綦厚而不知所以隆引翼洽庥和

者本

軒錄之延洪樂堯民之順則用能躋之仁壽共介大年
其微應為尤著也慶逢

八表崇祺

康強益算天下臣民亦咸忻葆其天和數臻期耄即在
外疆屯牧亦報頤婦百齡遣子祝

釐並叨

優獎蓋

聖懷崇實無事侈人瑞以為嘉祥而

邇化蒸濡既久耆民壽婦安養長年允極中外熙恬之
盛所謂合萬萬人奉

萬萬算有積京秭垓壤之數而彌贏者耳

乾隆四十五年

旌表壽民陳洪如壽婦王氏等二十八人

禮部謹

題為請

旨雙旌事據安徽巡撫閔鶚元疏稱

範敎彛倫壽富錫攸好德

乾知大始咸恒象繼家人惟引年典邁三王斯偕老人
逢百歲茲有亳州壽民陳洪如現年一百六歲妻
王氏現年一百一歲刻鳩並倚弋雁同心饁耕安
作息之常鰈鷁比瑞

雨露休栽培之厚松柏齊齡宜荷

殊恩以彰

茂典臣等查與定例相符應准其

旌表各給建坊銀三十兩並期頤偕老字樣奉

旨依議陳洪如王氏俱着加恩各賞上用緞一疋銀十兩
夫婦並臻百歲允屬熙朝上瑞因御製詩章以賜用
示恩榮而光旌典

御製亳州壽民陳洪如壽百六歲妻王氏百一歲詩以
紀瑞

壽民壽婦本常披

禮部題百歲賜恩
本歲不下十數

百歲同登鮮見之

山左廣東各一閱

山東鉅野縣民姚宏毅年百一歲妻百歲于丙戌年題旌廣東廣州民楊

啟能年百歲妻年百一歲於辛巳年題旌

徽疆飲屬兩逢奇

大湖縣民朱憲章與妻劉皆百

歲于庚寅年題旌亳州亦安徽所屬是一省之期頤偕老者再見矣

夫耕婦織胥良善子

繞孫圍篤慶禧偕老期熙逮茲四

前此題旌夫婦同登百歲者俱親製詩章

以賜茲如例成什賜之臨御四十餘年四紀瑞事亦仁壽之徵也

旌揚合與異恩施

禮部謹

題為詳請題

旌以彰人瑞事據直隸總督楊景素疏稱運際

中天仁壽祥徵寓縣地聯左輔敦龐俗逮閨闈茲有交
河縣壽婦及時氏現年一百四歲守歲規而筠操
彌貞課蠶織而榆暉自暖前此年登耄耄疊邀賜
粟之

恩今茲歲越期熙宜荷

旌閭之典

臣

等核與定例相符應准其

旌表官給建坊銀三十兩並貞壽之門字樣奉
旨依議時氏著加恩賞給上用緞一疋銀十兩

又

題為題請

旌表事據調任安徽巡撫閔鶚元疏稱

盛治雍熙率土荷昇平之福

太和翔洽敷天徵仁壽之祥茲有太湖縣壽民侯紹璉

現年一百四歲南陵縣壽婦章陶氏現年一百一

歲性並淳良居惟勤樸服高曾之畎畝安耕鑿以

忘年課婦子之蠶桑引養恬而難老宜先綽楔以

表閭閻臣等查與定例相符應准其

旌表各給建坊銀三十兩並昇平人瑞貞壽之門各字

樣奉

旨依議侯紹璉陶氏著加恩各賞給上用緞一疋銀十
兩

又

題為懇賜請

旌以廣

皇仁事據護理江西巡撫秦雄飛等疏稱

治際雍熙庶老有延齡之慶

恩隆引翼

盛朝崇羞耆之文茲有贛縣壽民鍾添佑現年一百五

歲廣昌縣壽民饒學聯現年一百歲里閭稱曰善

人耕鑿安於

帝世預下邑飲鄉之選

德被歌笙作康衢鼓腹之氓歡臚擊壤享大年而並健

膺

茂典以咸宜臣等查與定例相符應准其

旌表各給建坊銀三十兩並昇平人瑞字樣奉

旨依議鍾添佑著加恩賞給上用緞一疋銀十兩

又

題為公懇請

旌以彰人瑞事據江西巡撫郝碩疏稱

澤浹坤輿介景際萬年之慶

欽定四庫全書

八旬萬壽盛典
卷三十五

治隆泰運作朋符三壽之徵茲有樂平縣壽婦彭葉氏
現年一百一歲石城縣壽婦溫劉氏奉新縣壽婦
胡陳氏各現年一百歲務勤儉而崇孝敬家室和
平敦雍睦而篤慈祥閨闈禮法克享大年于

盛世宜邀

褒典之殊榮

臣

等查與定例相符應准其

旌表各給建坊銀三十兩並貞壽之門字樣奉

旨依議葉氏著加恩賞給上用緞一疋銀十兩

又

題為請

旌人瑞事據署浙江巡撫三寶等疏稱

化洽太和海寓徧生成之德

治臻熙皞閭閻多仁壽之祥茲有永嘉縣壽民程宗憲
現年一百十歲會稽縣武生朱清顯現年一百歲
或頤志松榆或泳涯芹藻業安稼穡含和而週甲將
重志在桑蓬攬揆而紀辰盈百典允符于表里

俞伏侯夫

明綸

臣

等核與定例相符應准其

旌表各給建坊銀三十兩並昇平人瑞字樣奉

旨依議程宗憲著加恩賞給上用緞一疋銀十兩

又

題為年逾百齡懇請

旌表以彰人瑞事據浙江巡撫王亶望疏稱

澤洽高深上瑞並臻海寓

德同覆載遐齡共慶閨幃茲有石門縣壽婦譚陳氏現
年一百三歲性秉幽貞儀嫻淑慎慈訓勗詩書之
業藻泮傳芬老年分粟帛之榮松姿益茂巖

頒旌典式沛

仁恩

臣

等查與定例相符應准其

旌表官給建坊銀三十兩並貞壽之門字樣奉

旨依議陳氏著加恩賞給上用緞一疋銀十兩

又

奏為請

旨事據福建巡撫富綱疏稱

壽考作人

賜第恩魚益算

康寧錫極喬齡典協旌閭茲有莆田縣

欽賜進士郭鍾岳生海嶠而希

先因風簷而逮耄秋試與春闈並落名胥特奏以邀

恩殊榮將上瑞偕臻年果增延于司命茂同松柏疊承

大造之栽培景駐桑榆益切晞陽之煦姬籲施綽楔式
賁章逢臣等查定例壽至百歲者給建坊銀三十
兩並昇平人瑞字樣今郭鍾岳於上年

特賜舉人又於本年三月內奉

旨賞給進士仰荷

聖恩固已至優極渥茲據該撫題請

旌表之處應否仍照舊例准其建坊並給與昇平人瑞

字樣理合請

旨遵行奉

旨依議

又

題為請

旌人瑞事據前任湖南巡撫李湖疏稱

時雍風動閭閻共樂春臺

久道化成巾幗同登壽宇茲有醴陵縣壽婦黃鄧氏現
年一百歲婦道克循耆齡難老飲和食德子孫安

猷猷之常挹節含淳女士寶室家之壺宜邀

旌典式俟

綸言_臣等查與定例相符應准其

旌表官給建坊銀三十兩並貞壽之門字樣奉

旨依議

又

題為懇請題

旌事據陝甘總督勒爾謹疏稱

壽愷覃敷歲月有舒長之慶

淳和普汎閭閻承曼羨之庥茲有撫彝廳壽民柳洪仁
現年一百三歲秦州壽民張效孔現年一百歲董
德善良服疇樸嗇當

萬壽七旬之初屆

軒錄增長正百齡二老之並臻

堯衢叶瑞怡稱引年之

詔爰符表宅之文臣等查與定例相符應准其

旌表各給建坊銀三十兩並昇平人瑞字樣奉

旨依議柳洪仁著加恩賞給上用緞一疋銀十兩

又

奏為請

旨事據四川總督文綬疏稱箕疇歛福臣民蒙

嚮用之庥井絡翔和閨閭沐

引恬之澤茲有現任四川阜和協副將馬詔蛟之母曾

氏係原任湖南辰州協標都司馬秉良之妻現年

一百四歲身膺

雙誥壽越百齡曾因引對之時上邀

清問

知有期頤之母

特沛褒綸日星懸

奎榜之輝皮弁拜

尚方之賜

命遙歸而侍養捧檄知榮循成例以祈

恩旌門有典奉

旨該部議奏欽此又十一月二十二日奉

上諭四川臬和協副將馬詔蛟前在軍營曾經出力本

日兵部將該員帶領引見詢知伊母曾氏年逾百齡

實為昇平人瑞著加恩賞給御書匾額並上用緞四

疋貂皮六張用示優獎仍令該員即速回任侍養伊

母以昭朕嘉惠耆年之至意欽此

臣等伏查定例壽

至百歲者給與建坊銀三十兩並貞壽之門字樣

各等語今四川阜和協副將馬詔蛟之母年逾百
歲奉

旨賞給

御書扁額並

上用緞貂皮仰荷

聖恩至優極渥現據該督題請

旌表應否仍照舊例令該地方官給與建坊銀兩並貞

壽之門字樣之處伏候

諭旨遵行奉

旨依議

御書匾額

閻德耆年

又

題為請

旌人瑞事據廣東巡撫李質穎疏稱

典重引年沐洪延於嶺海

福數難老彰茂渥於絲綸茲有博羅縣壽民謝卓琳現
年一百歲新興縣監生葉顯時茂名縣壽民楊文
憲新寧縣壽民伍允瑞各現年一百三歲高要縣
壽民龍近溪現年一百一歲遊河而民亦惟星生
值榮光之世入學而更應為吏欣逢尚齒之

朝

萬壽萬億斯年華封願祝五人五百餘歲仙嶠增輝仰
懇

旌揚以彰瑞應臣等查與定例相符應准其

旌表各給建坊銀三十兩並昇平人瑞字樣奉

旨依議業顯時楊文憲伍允瑞龍近溪著加恩各賞給
上用緞一疋銀十兩

又

題為公報人瑞懇請轉詳以廣

皇仁事據廣東巡撫李質穎疏稱

壽祉覃敷海宇著遐齡之慶

福疇廣錫閨門彰純嘏之庥茲有惠來縣壽婦唐林氏
現年一百歲開平縣壽婦闕李氏現年一百三歲
賦質安和持躬端淑事翁姑而歡承菽水課子孫
而身列膠庠柏茂松蒼荷

堯天之栽植蘭芳桂馥樂

舜日之舒長允稱人瑞之徵宜沐

天家之典

臣

等查與定例相符應准其

旌表各給建坊銀三十兩並貞壽之門字樣奉

旨依議李氏著加恩賞給上用緞一疋銀十兩

又

題為遵

旨照例請旌事據原任雲南巡撫孫士毅疏稱箕疇備嚮

敘數不隔遐陬

軒籙增長壽耆先昭上瑞茲有賓川州生員張似騫現
年一百二歲昆明縣壽民耿越現年一百歲沐

熙朝之雨露椿樹長榮撫膝下之孫曾蘭枝擢秀冬讀

書而秋學禮儒生之歲月偏舒子言孝而父言慈
田野之風光自古惟

一人膺萬年之永祚斯羣黎多百歲之遐齡洵屬休徵
允符

旌典

臣

等查與定例相符應准其

旌表各給建坊銀三十兩並昇平人瑞字樣奉

旨依議張似騫著加恩賞給上用緞一疋銀十兩

又

題為請

旌人瑞事據原任貴州巡撫舒常疏稱敦龐式固遊泰
宇以偕春

壽考且寧遍坤輿而錫祉茲有清平縣壽婦鞠姚氏現
年一百三歲荷

聖朝之恬養鶴算彌長蒙

帝德之涵濡萱杖益茂允稱人瑞宜沛

鴻恩臣等查與定例相符應准其

旌表官給建坊銀三十兩並貞壽之門字樣奉
旨依議姚氏著加恩賞給上用緞一疋銀十兩

乾隆四十六年

旌表壽民霍進名壽婦張氏等五十二人

禮部謹

題為年屆百齡恭請

旌表以彰人瑞事據直隸總督袁守侗疏稱

至澤涵濡海宇沐維祺之錫

淳風披拂郊圻徵上壽之祥茲有鉅鹿縣壽民霍進名
現年一百歲遊

帝世之熙恬連增賞朔樂

皇春之浩蕩益茂椿年昔邀粟帛之

恩今籲

旌揚之典臣等查與定例相符應准其

旌表官給建坊銀三十兩並昇平人瑞字樣奉

旨依議

又

題為公舉百齡以彰人瑞事據直隸總督袁守侗疏
稱

澤邑黃圖家有靈護之慶徽流彤管地占孤竹之祥茲
有昌黎縣壽婦李張氏現年一百一歲柔德無愆
義方克訓教子預成均之選型家惟女士之宗幸
依

化日舒長悲賴

熙朝涵育闡宗作瑞

國典宜褒

臣

等查與定例相符應准其

旌表官給建坊銀三十兩並貞壽之門字樣奉

旨依議張氏著加恩賞給上用緞一疋銀十兩

又

題為欽奉

恩詔事據山東巡撫國泰疏稱角亢徵

曼壽之符祥昭列宿海岱注

長生之籍福及羣氓茲有東昌衛民柳君贊現年一百
歲賦性醇良持躬謹厚耕田鑿井久安熙皞之天
食德飲和適協期頤之慶克臻上壽宜荷

殊榮臣等查與定例相符應准其

旌表官給建坊銀三十兩並昇平人瑞字樣奉

旨依議

又

題為欽奉

恩詔事據山西巡撫雅德疏稱

仁壽鍾祥鄩屋徧熙春之俗

延洪錫福康衢多化日之民茲有大同縣壽民袁力陳
鳳昇現年各一百二歲性安勤儉志樂恬和恪循
耕鑿之常不染浮囂之習前登耄耋屢邀粟帛
恩榮今越期頤更復杖綦矍鑠應請

旌揚之典用昭人瑞之符臣等查與定例相符應准其旌表各給建坊銀三十兩並昇平人瑞字棒奉

旨依議袁力陳鳳昇俱著加恩賞給上用緞一疋銀十

兩

又

題為欽奉

恩詔事據調任山西巡撫雅德疏稱

聖化覃敷率土協安貞之吉

皇仁丕育窮簷鍾壽耆之祥茲有靈邱縣壽婦李王氏
現年一百三歲松筠比節金石同堅皓髮童顏久

沐自

天雨露含飴扶杖欣依在室孫曾洵為

聖世麻徵宜荷

天家旌典臣等查與定例相符應准其

旌表官給建坊銀三十兩並貞壽之門字樣奉

旨依議王氏著加恩賞給上用緞一疋銀十兩

又

題為欽奉

恩詔事據河南巡撫富勒渾疏稱

福衍箕疇用錫徧羣黎之德

仁覃節屋可封占比戶之庥茲有滎陽縣壽民魏楫現
年一百一十一歲汜水縣壽民王六行現年一百歲禹
州壽民張誠志李花富各現年一百歲永城縣壽
民陳銑現年一百歲朱良貴現年一百三歲濟源
縣壽婦劉李氏現年一百二歲汝陽縣壽民秦文
科現年一百歲淮寧縣壽民范民魁現年一百歲

張敬現年一百四歲商水縣壽民許理現年一百
一歲扶溝縣民黃時中現年一百一歲襄城縣壽
民丁西安現年一百二歲以上滎陽等州縣壽民
壽婦共十三名或褪躬圭璧或砥節松筠遊

帝夏而煦

皇春康強逢吉釐女士而從孫子柔順含貞千百里瑞
毓嵩高接壤競徵輻湊十三人數符洛下論年更
喜籌增洵

盛治之延禧宜

殊恩之特賁

臣

等查與定例俱屬相符均應准其

旌表各給建坊銀三十兩仍分別給與昇平人瑞貞壽

之門各字樣奉

旨依議魏楫朱良貴李氏張敬許理黃時中丁西安俱
著加恩賞給上用緞一疋銀十兩

又

題為壽踰百齡詳請題

旌以彰人瑞事據安徽巡撫農起疏稱世際

昌期海宇樂恬熙之化時逢

泰運江圻多仁壽之徵茲有懷寧縣壽民劉從選懷遠

縣壽民吳邦選各現年一百一歲鳳陽縣壽民安

運如現年一百歲賦性敦龐居家孝友服先疇於

禹甸齒越期頤戴洪造於

堯天慶延似續前登耄耄屢邀粟帛

殊榮今屆期頤宜荷

旌揚鉅典臣等查與定例相符應准其

旌表各給建坊銀三十兩並昇平人瑞字樣奉

旨依議劉從選吳邦選俱著加恩賞給上用緞一疋銀

十兩

又

題為題請

旌表事據閩浙總督兼署浙江巡撫陳輝祖疏稱

錫五福而用數式協近光之訓

保太和而各正聿昭久道之成茲有仁和縣壽民魯文
元現年一百三歲海寧州壽民朱京昇現年一百
二歲武康縣壽民楊遇春現年一百一歲立品端
嚴持家勤儉守先民之矩矱型仁而化迪粉榆沐
盛世之涵濡拜賜而

思承粟帛祥徵壽耆典合

旌楊臣等查與定例相符應准其

旌表各給建坊銀三十兩並昇平人瑞字樣奉

旨依議魯文元朱京昇楊遇春著加恩各賞上用緞一
疋銀十兩

又

題為報明百歲事據原任閩浙總督兼署浙江巡撫
富勒渾疏稱

治洽重熙日月徧民生之德

化成九道安貞昭婦順之祥茲有江山縣壽婦周吳氏
現年一百歲早嫻義訓夙著柔儀承歡而孝敬無

違貽穀而勤劬倍摯松栢厯冰霜之節芝蘭皆
雨露之培敬籲

天恩用彰人瑞

臣

等查與定例相符應准其

旌表官給建坊銀三十兩並貞壽之門字樣奉

旨依議

又

題為欽奉

恩詔事據福建巡撫富綱疏稱壽耆呈祥海晏慶蒸濡

之澤柔貞叶吉

天高均覆育之仁茲有上杭縣壽婦鄭邱氏現年一百
四歲順昌縣壽婦楊張氏現年一百一歲婦德無
愆母儀足式孕仙山之瑞氣鶴算彌長沾

聖世之恩膏萱枝益茂已越期頤之歲宜邀

綸綍之榮臣等查與定例相符應准其

旌表各給建坊銀三十兩並貞壽之門字樣奉

旨依議邱氏張氏著加恩各賞上用緞一疋銀十兩

又

題為欽奉

恩詔事據湖北巡撫鄭大進疏稱

景運昌隆瑞紀壽星之曜

皇仁淪浹人依化日之長茲有汴陽州壽民魏彥祚現
年一百歲賦性醇良持身端重先疇食力順

帝則而知識渾忘大耋增齡樂天和而精神式固

恩已叨于粟帛

典允合于

旌揚臣等查與定例相符應准其

旌表官給建坊銀三十兩並昇平人瑞字樣奉

旨依議

又

題為欽奉

恩詔事據護理陝西巡撫尚安等疏稱蓮嶽祥鍾多壽

邁作朋之慶玉闕春盎

太和偕熙宇之登茲有宜永縣壽民卽雨現年一百
四歲大荔縣壽民蒙棟現年一百歲隴西縣壽民
汪浩然現年一百二歲皋蘭縣壽民范維現年一
百一歲秉性醇和持躬謹肅松姿鶴髮長為無懷
葛天之民竹杖蓬門真成角里夏黃之侶洵屬

昇平瑞事宜邀

旌表殊恩

臣

等核與定例相符應准其

旌表官給建坊銀三十兩並昇平人瑞字樣奉

旨依議鄔雨汪浩然范維著加恩賞給上用緞一疋銀
十兩

又

題為欽奉

恩詔事據護理陝西巡撫尚安疏稱期願表瑞

絲綸共沐

鴻慈貞靜延釐閨闈宜

旌燕喜茲有朝邑縣壽婦劉孟氏現年一百一歲和順

凝床柔嘉協吉早承歡而致孝蘋藻宜家晚守志
而撫孤松筠秉節桑榆日引已逾百歲之期綽楔
恩臨豈獨一門之慶臣等查與定例相符應准其

旌表官給建坊銀三十兩並貞壽之門字樣奉
旨依議孟氏著加恩賞給上用緞一疋銀十兩

又

題為懇請

旌表事據四川總督文綬疏稱

怙冒普如天之德萬象皆春

栽培篤因物之功百祥效順茲有屏山縣壽民黃桂周

現年一百歲精神矍鑠逍遙

盛世之春秋步履康強沐浴

熙朝之雨露克臻上壽宜

沛殊恩臣等核與定例相符應准其

旌表官給建坊銀三十兩並昇平人瑞字樣奉

旨依議

又

題為欽奉

恩詔事據四川總督文綬疏稱

盛世斂敷有極首重遐齡

熙朝壽考維祺
兼徵壺範茲有成都縣壽婦王龐氏現
年一百一歲安縣壽婦張張氏現年一百歲賦性
端莊持身淑慎夙嫻內則孝敬著于家庭克守女
箴禮法宗于戚黨既期頤之並屆宜

恩渥之胥邀臣等核與定例相符應准其

旌表各給建坊銀三十兩並貞壽之門字樣奉

旨依議龐氏著加恩賞給上用緞一疋銀十兩

又

題為公舉百齡懇賜請

旌事據廣東巡撫李湖疏稱

乾資始而統天保合遂咸寧之性

皇建極而錫福康強多逢吉之徵茲有新寧縣壽民陳

德貴現年一百三歲陸豐縣壽民陳宗邦鶴山縣
壽民李宗餘增城縣壽民劉超達各現年一百五
歲開平縣壽民梁誘焜現年一百二歲海康縣壽
民陳元裔現年一百四歲普寧縣壽民秦佳琛現
年一百一歲香山縣壽民鄭兆述現年一百歲或
賦性醇和或持躬端謹敦倫飭紀無慚孝友家風
力穡服疇克字農桑世業擊壤而宇衡相望炎嶠春
長添籌而松鶴偕貞海天日永既聯輝于

壽寓宜廣被于

皇仁臣等核與定例相符應准其

旌表各給建坊銀三十兩並昇平人瑞字樣奉

旨依議陳德貴陳宗邦李宗餘劉超達梁誘焜陳元裔
秦佳琛著加恩各賞給上用緞一疋銀十兩

又

題為公舉百齡仰懇詳請建坊事據廣東巡撫李湖
疏稱治洽

光天南極炳壽昌之象春熙

泰宇北堂利柔順之貞茲有順德縣壽婦袁陳氏潮陽
縣壽婦黃鄭氏各現年一百二歲番禺縣壽婦蔣
黃氏現年一百歲淑慎為儀儉勤足式樂

熙恬之歲月松柏偕貞衍嗣續之孫曾芝蘭並秀洵屬
閨闈之慶宜膺

綸綍之褒

臣

等核與定例相符應准其

旌表各給建坊銀三十兩並貞壽之門字樣奉

旨依議陳氏鄭氏著加恩各賞給上用緞一疋銀十兩

又

題為欽奉

恩詔事據雲貴總督福康安疏稱箕疇備福邊隅久荷
皇仁

壽宇呈祥閭里疊徵人瑞茲有南寧縣壽民何倫現年
一百三歲嵩明州壽民劉國璽現年一百二歲昆
明縣壽民楊啟之現年一百二歲周世瑞楊秉忠

各現年一百歲精神矍鑠性行敦龐各三萬六千
日而羸待重週夫綺甲合五百有餘歲之富並作
瑞於

昌辰皆由盛際

皇春誕膺

帝社安養不遺庶老

錫極推

恩雍熙遂遍遐陬

宜民受祿是以地遙越萬共徵入昴之祥世若循蜚咸
效歌衢之樂允符

令典合

賜張旌臣等核與定例相符應准其

旌表各給建坊銀三十兩並昇平人瑞字樣奉

旨依議何倫劉國璽楊啓之著加恩各賞給上用緞一

疋銀十兩

八旬萬壽盛典卷三十五